

拜泉縣志卷一

一
署
圖
三
氏

地
43321

471

地430.23
41
1-4



鑾寧縣志

蒲陰張霖如題



初修拜泉縣志序

郡縣有志猶國之有史里之有乘也然史或失之畧乘或失之繁而記事之詳且要者必以志為最蓋以一邑之人記一邑之事耳目聞見之所及舉足傳信也自周禮大宗伯屬有外史氏以掌四方之志厥後累世郡縣皆則之蓋以徵治忽垂勸懲觀風俗識產賦也然非旁搜博采淹洽貫通編摩之久弗易竟也拜泉一邑域界蒙古荒徼也雖自戰國以迄元明部落各有司屬然率皆人稀地曠寥廓無垠前清季世始

拜泉縣志序

卷一

一

春記山坊石印

為招徠民衆墾闢荒疇以境有巴拜明水泉因以名縣自是人烟輻集有蒸蒸日上之勢焉及民國樹立更為設學校以修文教置警衛以飭武備立商會以俾懋遷有無化居不特成邑成都居然通都大邑矣然縣置十有餘年而勒風土之書不可畧闕於是邑之闕閱故家縉紳舊族諸君子者稽今考古訪獻徵文數年來已草創成編凡夫星野經緯疆域沿革以及人物山川俗習好尚莫不部分類列瞭如秩如蓋藉以翊名教恢典禮闡幽別微而歸於崇善替惡非好為縟旨

繁辭也此後牧守政教所留民俗微善所積必有月異而歲不同者豈僅為司牧來風之一助哉是歲也適予承乏斯土而囑為弁言自知譎陋媿鄙重以三十載荒疏文不雅馴難免貽笑方家奈義不容辭姑為索儉搜枯勉慰諸君子諄諄之意云爾

民國八年四月上旬知拜泉縣事古蒲陰亦三張霖如序

序

民國四年春熊特生縣長函招予編纂拜泉縣志呈省通志局以備採擇因思志者誌也誌古者尤當誌今蒐羅殊非易易也况拜泉洪荒甫闢欲誌古而掌故無徵誌今而草創未備雖有山川人物土產經政官禮等類有跡可循亦皆語焉不精擇焉不詳倘率爾操觚恐凌雜錯落貽笑方家遲迴未應者久之嗣以辭不獲已乃與採輯諸同人往復磋商分門別類各贅數行聊以應通志局之徵求已耳六年冬張亦三

拜泉縣志序

卷一

三

春記山坊石印

縣長又招為續修編纂因與李君硯耕姜君芸蕪暨採輯諸君子取從前所編纂披覽察核可增者增之可刪者刪之雖屬一知半解而言龐語雜辭已費矣甫脫稿都人士僉謂是志也粗率不文雖不足為著述之鉅編且可為風土之簿記因欲公諸同好擬付手民刷印成書雖草草塗鴉不免為人所共嗤亦弗恤也

民國八年四月望日拜泉胡乃新敬修氏謹識

拜泉縣志目錄

輿地志

經緯度

疆域

山川

人種

物產

穀屬

蔬屬

果屬

木屬

鱗屬

鳥屬

花屬

草屬

藥屬

建置志

城池

津梁

拜泉縣志目錄

卷一

四

春記山坊石印

廟宇

壇廟

勝蹟

經政志

民治

戶籍

風俗

自治

警政

財政

歲出入

田賦

雜稅

積貯

墾務

招墾

稽查

林務

礦務

商政

郵政

電報局

路政

教育

教育分會
各學校

勸學所
師範講習所

社會教育

司法行政
監獄附

禮志

吉禮

嘉禮

賓禮

軍禮

凶禮

武備志

旗兵

防營

拜泉縣志目錄

卷一

五

春記山坊石印

陸軍

軍衛
軍學

軍務軍械
軍法軍需

兵事

職官志

文職

武職

名宦

選舉志

明經

薦辟

人物志

忠節

孝友

列女

流寓

藝文志

摺奏

哀輓

稟

詩

箴

蒙旗志

襲爵

官制

租賦

司法

拜泉縣志目錄

卷一

六

春記山坊石印

戶籍

蒙荒

建置

志餘

拳匪

蒙匪

鬪匪

十景

右目錄遵照省通志局所頒發以為標識然通志局
之目錄係括通省而言茲僅就拜泉所有者詳為記
載其所無者概從畧焉

知拜泉縣事亦三張霖如監定

姜景齊芸蕪

編纂 胡乃新敬修

李倬田硯耕

樂修仁子壽

郁春馥蘭階

鄭林皋鳴九

拜泉縣志目錄

卷一

七

丁作辰鄴亭

採輯 張宗敬慎之

李如棠愛貽

王訪蹟濂樓

于霖生潤之

輿地志

輿地序

伏維龍沙塊漭邊境云遙雁塞荒涼華夷錯處唐宋以前
關河阻隔元明而後郡縣分封此前清所由從事招徠而
民國因之設治也拜泉一隅彈丸四郊膏壤分野高寒明
星閃爍滋生暢茂物類增多雖為一縣之微可考羣言之
證故定其經緯溯其沿革閱其疆域歷其山川別其人類
驗其物產作輿地志焉

經緯度

詳考拜泉位置北邊線適當東經九度與北緯四十八度相
交尚餘一分四十秒南邊線適當北緯四十七度與東經九
度相交尚餘二十七分四十五秒東邊線適當北緯四十八
度與東經十度相交尚餘六分三十五秒西邊線適當北緯
四十八度與東經八度相交尚餘二十四秒斯地偏居北溫
帶之北與省地暨外蒙古之庫倫緯度相較皆差十餘秒仍

稍偏北晝夜長短較之中央各省迥然不同夏至日出時四點一分日入時八點二分冬至日出時七點四十七分日入四點十一分氣候寒時居七箇月暖時不足五箇月立夏以前雨雪隨天氣變更秋分前後漸有凝霜立冬前後則雪地冰天嚴寒凜冽老人病夫間有凍死於道途者此經緯度之所攸關僉謂江省為苦寒之地敬授民時者可不因時制宜乎

拜泉縣志輿地

卷一

九

春記山坊石印

附災異

雨災宣統二年秋淫雨淋漓損傷禾稼統計全縣十分之三東路善後局呈准一切租賦經費應蠲者蠲應緩者緩是年因糧草昂貴墾戶到段均開地無多

民國元年四月初二日風雨飄搖異常寒冷亨字四甲十三井凍死王姓牧人一名拜境南鄉赴省大道凍死行路人一名拜泉全境凍死騾馬四千餘匹

雹災民國二年六月大雨雹從利字二甲十九井南至亨字

四甲十井由西北向東南逕過通肯河南北寬三十餘里東西斜長九十餘里損傷禾稼無算三年又在該處雨雹但稍輕耳

風災民國二年秋大風五穀損傷甚多惟糜子穀子被風捋滿隴皆黃

蟲災民國五年六月間旱甚全縣從十三四井迄東各井糜子苗心生小黑蟲長五六分食苗盡萎惟新墾荒地蟲災稍輕所贖苗亦無幾六年仍有蟲災但不如五年之甚然糜穀

拜泉縣志輿地

卷一

十

春記山坊石印

均被其災

火災民國三年三月間縣城南街路東火起延燒三十餘家嗣後迭次焚燒前後共燬舖戶百餘家約計草房千餘間貨物無憑考核

疫災宣統二年冬十月東三省瘟疫流行西醫謂鼠疫傳染各省會及繁盛之區皆設防疫院然所製藥方毫無效果故患疫症者百無一生甚至一家數十口僅贖一二人道路亦僵尸相望拜泉洪荒甫闢墾戶寥寥雖有疫災而死者無幾

民國七年九月間患瘟疫者十人而八九甚至一家皆病初時甚輕不過頭暈咳嗽一二日即愈嗣後日甚一日死者漸衆流寓士范小村深通醫理謂為濕瘟立一方用青蒿竹葉茵陳薄荷荆芥連翹杏仁藿香滑石木通黃芩甘草水煎服活人無算然城鄉巡警調查死者尚三千有奇

沿革

拜泉地處邊徼荆榛遍野满目蒼涼自招墾而後人烟日見輻輳農夫相與耕於野行旅相與行於途商賈工匠相與懋遷於市蔓草荒烟之地遽成此繁盛之區回思地為誰氏之地人為何種之人古社成墟空餘瓦礫殘碑沒字半付蒿萊考文獻而無徵聽傳聞而鮮據藉非徵輯事實筆之於篇恐後之視今亦猶今之視昔徒令人感慨係之是故旁摭博采作歷代沿革考焉

拜泉因巴拜明水泉子而得名即古肅慎國之故地山海經云大荒之中有山曰不咸有國曰肅慎註云去遼東三千餘里按寧古塔黑龍江皆肅慎地也

戰國時燕國東方有雜胡數種按東胡北部即今黑龍江省全境拜泉界即在其中及秦滅燕拜境應為秦之屬土西漢時冒頓滅東胡改為匈奴左部拜境應在左部之中東漢時鮮卑慕容氏沿黑龍江漸次南下今之江省屬境多為所據拜泉又屬鮮卑

拜泉縣志輿地

卷一

七

春記山房石印

晉時鮮卑西據匈奴故地而小黃室韋大黃室韋黑車子室韋以及南北室韋等部分據黑龍江之全境而拜泉即在室韋界內

北魏為勿吉國一曰靺鞨分七種最南者為白山部最北者為黑水部北史載勿吉國遣使朝貢溯難河西上歸途至今洮兒河東北行十八日始至其國按難河一名那河即今吉黑分界之松花江也拜境應在勿吉國內

隋唐為黑水靺鞨唐書北狄傳靺鞨遣使入朝玄宗開元十

六年建黑水州置長史唐置黑水軍始此按唐時黑水分十六部在松花江南者曰南部拂涅虞婁越喜鐵利等部在江北者曰北部思慕郡利窟說莫曳皆諸部拜泉應在唐黑水北部

遼時契丹阿保機盡取室韋故地與金人互相吞併後遼金和約則各有分界按契丹國志在混同江北者號生女真屢與契丹相攻擊契丹沿邊創築城堡屯守南北二千餘里又按許元宗奉使行程錄過混同江四十里至呼勒希寨即有

潰堰斷塹自北而南莫知遠近即今嫩江西金遼分界邊也似嫩江以東屬金拜泉即金之屬土

金屬上京會寧府拜泉為會寧之西境

元時合蘭府一名海蘭府見前清八旗通志其人皆水達達即元史所謂碩達勒達是也按元太祖混一天下東北各路為諸王分封疆域其同母弟鐵木哥幹赤金所謂皇太弟者又名幹嗔那顏封於克魯倫地拜泉應為其屬土今縣境有古城古蹟或均係幹赤金之遺址云

巴拜附考

明屬奴兒干都司按奴兒干之名始見元史英宗本紀洪武永樂之時邊外歸附設奴兒干都司以管轄之後又設虎爾文卜顏木蘭諸衛拜泉應在三衛境內

查元史英宗本紀巴拜部饑命河東發粟賑之巴拜為部落之名無疑矣然科爾戩太子四世孫封巴拜大王不知何以失國仁宗延祐四年又賜其子金銀印二顆命佩之雖無國邑尚襲王號則拜境為幹赤金之封邑似無確據然世祖時

拜泉縣志輿地

卷一

十四

春記山坊石印

有巴拜岱妃子又有巴拜哈斯妃子又封巴拜公主劉恩為四川防禦使鄂端部叛元主命巴拜領兵與劉恩戰則巴拜二字層見迭出究不知緒為漢語作何解也按元史註巴拜又作八八

疆域

拜泉全境南北核計一百三十一里七東西廣狹不等北界寬一百九十二里南界寬一百二十里由縣城東北至上道溝西沿距縣城九十里緣溝散田北自貞字一甲南至利字二甲以東面散田六大戶屯為至溝東為通北縣溝西即為拜境由利字二甲迤南至元字頭甲一里七夾荒皆以通肯河為界河東為海倫河西即為拜境距縣城九十五里南北共計地二十一井地勢斜長參差不齊核計一百五十里由

拜泉縣志輿地

卷一

十五

春記山坊石印

一里七靠通肯河起算按照元字四甲二十井核計一百二十里距縣城一百五十八里迤南為青岡縣界迤北為拜境中間以興隆鎮街心為拜青分界之處距縣城七十八里餘由元字段一甲西頭北數至亨字利字二十一二三井不等以孔家地房子迤西為至均與林甸縣分界距縣城一百里迤北貞字全段西面依字段民荒四十五井西與龍江縣分界距縣城一百五十四里該段迤北及貞字段北面又招蒙民佃荒二十五井迤北胡裕爾河北又有蒙旗生計地六千